



Jesus ons Verlosser leef! Ons reik uit oor alle grense.

4 AUGUSTUS 2019

GEMEENTEBULLETIN

STELLENBERG-GEMEENTE

021 976 4519 (kerkkantoor)

021 975 1044 (jeugkantoor)

021 910 3900 (feesmark)

021 976 8029 (SOS)

www.stellenberg.co.za

navrae@stellenberg.co.za

KWARTAALTEMA

**Ons leef in God se
KONINKRYK.**

OGGENDDIENS

Op pad na 'n nuwe
(ekonomiese)
toekoms.

Deut. 10:10-22

GESINS- EN AANDDIENS

Aan wie behoort
alles?

Deut. 10:10-22

JEUGDIENS

Couch Tuner

DEURKOLLEKTE

Gideons

Die groep is al die
afgelope 100 jaar
verant-
woordelikheid vir
die gratis ver-
spreiding van
Bybels in meer as
200 lande.

EREDIENSTE

			4 Augustus		11 Augustus	
09:00	Kerk	Oggenddiens	Dr. Hanekom	3	Ds. Visagie	4
09:00	Kleinsaal	Gesinsdiens	Ds. Breytenbach	9	Geen diens	-
09:00	Kapel	Meditatief	Ds. Dietmann	-	Geen diens	-
09:00	Grootaal	Blokdiens	Ds. Visagie	-	Geen diens	-
18:00	Kerk	Jeugdiens	Ds. Ackerman	-	Geen diens	-
18:00	Kleinsaal	Aanddiens	Mike v. Deventer	11	Ds. Visagie	12

KONINKRYKSTYD - GESPREKSGELEENTHEDE

• Donderdag 8 Augustus 19:00 kleinsaal

Tema: Die uitdaging en geleentheid van 'n kapitalistiese ekonomie.

Aanbieder: Prof. Stan du Plessis, Departement Ekonomie, Universiteit van Stellenbosch. Geen besprekings nodig nie.

• Dinsdag 13 Augustus 19:00 kleinsaal

Tema: Om die stemme van stukkende mense te kan hoor.

Aanbieder: Ds. Nioma Venter, Predikant in Sinodale Diens, Diaconia. Geen besprekings is nodig nie.

MANNE RETRAITE

Wortelgat 30 Aug. tot 1 Sept.: Die datum vir die retraite is verskuif, omdat die aanvanklike datum in Mei met Moedersdag gebots het.

Bespreek by Lindy: lindy@stellenberg.co.za. Navrae: Retief Ueckerman 082 498 3448, of Callie Visagie 072 385 4368.

[ONS LUISTER NA GOD]

Bladsy 2

JEUGDAGBOEK

- JUNIOR KLEINGROEPE: Kleingroepe begin om 10:00 na afloop van die eredienste.
- JEUGDIENS 18:00 tot 18:50. Kwartaaltema: *Couch Tuner*
- SENIOR KLEINGROEPE: Na die jeugdiens, 19:00 tot 19:30.
- BLISS: Vir studente en werkende jongmense. Sluit by ons aan op Sondag vanaf 16:15 tot 17:30 en Woensdagaande om 18:30. Nuwe lede is welkom. Kontak die jeugkantoor met navrae.
- RELEVANT: Dis vir jong volwassenes. Ons luister 15 min. lank na 'n aanbieding en gesels dan saam oor die onderwerp. Woensdagaande 19:00 in die jeuglokaal.

VATVYF-BYEENKOMS

VatVyf-byeenkoms op 7 Aug. om 10:00 in die kleinsaal. Kom luister na Mariette Opperman wat in 2018 die volle Camino-roete saam met haar man, Chris, gestap het. Sy kom gesels oor “Die lewe as 'n reis en nie 'n bestemming nie – wat die Camino my geleer het”. Ons geniet vooraf 'n koppie tee en 'n toebroodjie. Almal welkom, geen besprekings is nodig nie.

OMGEETRUST WYNVEILING

26 Augustus 18:30 Ons jaarlikse wynveiling ten bate van die verskeie projekte van die trust kry spesiale kleur met 'n wynproe aangebied deur Kobus Deetlefs van Deetlefs-wynkelder, Rawsonville. Koste is R150 per persoon, wat 'n driegangmaaltyd, drank, asook die wynproe insluit. Kontak Adri by a3durand@gmail.com om 'n tafel vir vriende of besighede te bespreek.

LEES DIE BULLETIN OP JOU SELFOON

Indien jy graag die Bulletin weekliks en die Samaritaan maandeliks op jou selfoon wil lees, *WhatsApp* asseblief jou naam en selfoonnommer na Sanèl by 083 611 4720.

KATEGESE KLEINGROEPE

- Graad 1: Kleinsaal
- Graad 2 en 3: Grootaal
- Graad 4: Bovertrek
- Graad 5 en 6: Kerk
- Graad 7: Jeuglokaal
- Graad 8: Markplein
- Graad 9: Bovertrek
- Graad 10: Grootaal
- Graad 11: Kleinsaal

GEBEDSGROEPE

Die volgende gebedsgroepe kom weekliks bymekaar. Skakel gerus in soos dit jou pas.

- Vrouegebedsgroep
Maandagoggende om 09:15 in die kapel.
- Asemskep-gebedsgroep
Dinsdagaande om 18:30 in die kapel.
- Mannegebedsgroep
Donderdagoggende om 06:00 in die kafeteria.

[ONS LUISTER NA MEKAAR]

Bladsy 3

VOSBURG KAROOKUIER 6 SEPT 16:00

Die voortslepende droogte noodsaak ons om die geleentheid vanjaar anders aan te pak. Slegs 160 lammers en 30 bokke sal in verpakte vorm verkoop word. 'n Braaibord (hoender, wors en slaai) en ander etes sal ook te koop wees. Vosburgers kan weens finansiële implikasies nie self die funksie bywoon nie en daarom doen ons 'n beroep op belangegroep in die gemeente om vir die aanbieding van 'n kositem (worsbroodjies, poeding, ens.) verantwoordelik te wees. Kontak vir Christine Ferreira 083 440 2086, of Karen Visagie 082 827 9389 om hulp en bydraes aan te bied. Nooi asb. vriende en familie om die fondsinsameling te ondersteun. Die opbrengste word uitsluitlik vir Vosburg-gemeente geskenk.

GEMEENTEKAMP

Vanaf 29 Nov. tot 1 Des. by die *Guano Cave Resort*, Montagu. Bespreek jou staanplek by die kampeerterrein en dui asseblief aan dat jy deel van Stellenberg-gemeente se blokbespreking is. Kontakbesonderhede: 084 553 4187 of www.montaguguanocave.co.za. Besoek die webwerf vir volledige inligting rakende kampeertariewe.

ONTVANG GEMEENTENUUS ELEKTRONIES

Stuur 'n e-pos na sanel@stellenberg.co.za indien jy die Gemeentebulletin (weekliks) en die Samaritaan en Stellenberger (maandeliks) wil ontvang.

DOOP VANDAG

- Neil en Elna Bester, Shenysingel 18, Vrededekloofhoogte, laat doop vir Leardt Daniël Bester.
- Nico en Annique Boon, Bergzicht 4, Kleinbron Landgoed, laat doop vir Luc Anthonij Boon.
- Wim Jaco en Marlene de Beer, Eksteenstr. 71, Loevenstein, laat doop vir Mila de Beer.
- Gustav en Esmari Hunsinger, Sondalweg 6, laat doop vir Mila-Mari Hunsinger.
- Arlo en Henriëtte Koen, Buren 9, laat doop vir Luan Marthinus Koen.

EDELWEISS BYBELSTUDIE

Donderdag 8 Augustus om 15:00 en 15:45

1 Petrus 5:1-14

Om met nederigheid te bestuur!

BREIGROEP

Ons ontmoet weer op Maandag 5 Augustus om 09:30 in die kafeteria.

Bring jou brei- en hekelwerk saam. Nuwe lede is baie welkom.

WOLSKENKINGS

Die breigroep doen weer 'n beroep op lidmate om bruikbare afvalwol vir die brei van serpe en musse te skenk. Bydraes kan by die kerkkantoor afgegee word.

PREKE OP DIE WEB

Jy kan nou preke van die web aflaai (download) en hoef nie meer aanlyn daarna te luister nie.

Besoek gerus www.stellenberg.co.za en gaan na: luister na preke.

STELLENBERG FINANSIES

Die gemeente se begrote uitgawe vir die huidige boekjaar beloop ongeveer R10,7 miljoen en word verdeel tussen: **uitbou** (fokus na buite), **opbou** (fokus binne die gemeente) en **ondersteuning** (administrasie en eiendomme).

Die begroting word deur die volgende inkomstebronne befonds :

Bankkollekte	11%
Jaarlikse dankoffer	17%
Maandelikse dankoffer	47%
Fondsinsamelings	19%
Huurinkomste	6%

Negatiewe ekonomiese omstandighede het daartoe gelei dat die kerkraad besluit het om nie vanjaar vir 'n inflasionêre verhoging in inkomste te begroot nie. Bediening moes hulle uitgawes met tussen 2% en 5% sny. Maandelikse dankoffers is die gemeente se hoofbron van inkomste, maar slegs ongeveer 30% lidmate het tot einde Junie 2019 maandeliks tot die gemeente se begroting bygedra. Gevolglik bedra die inkomste uit dié bron tans R100 000 onder die begrote bedrag. Kontak asb. vir Marguerite Bester, marguerite@stellenberg.co.za/021 976 4519 vir meer inligting oor die begroting, of vir opsies hoe bydraes gemaak kan word.

ADVERTENSIES OP GEMEENTEKALENDER

Adverteer jou besigheid op die gemeente se kalender. Die kalender word jaarliks aan 1 500 huishoudings in die Stellenberg/Eversdale woongebied versprei. Kontak Sanel by sanel@stellenberg.co.za vir meer inligting.

VAKATURE VIR 'N VERPLEEGKUNDIGE

Die dienste van 'n geregistreerde suster word benodig tydens die Feesmark vanaf 23 Oktober tot 9 November. Die geskikte kandidaat moet weksdae vanaf 14:00 tot 19:00 op die Feesmarkperseel beskikbaar wees, asook Saterdag tussen 13:30 en 17:30. Stuur asb. jou CV na feesmark@stellenberg.co.za om vir die pos aansoek te doen. 'n Vergoedingspakket word aangebied.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. Daar is kliniese sielkundiges, mediators, spraak- en arbeidsterapeute, asook 'n musiekterapeut beskikbaar.

Afsprake kan tussen
09:00 en 12:00 by
021 976 8029

gemaak word, of skakel
die sentrumbestuurder
Rudolph van Schoor by
082 854 4530.

SNAPSCAN SKANDERINGSKODE

